

後村千家詩

四

十八



分門纂類唐宋時賢千家詩選卷第十四

後村先生編集

地理門

山

附 山居 登山 深山
山行 宿山家 遊山

唐賢 山居

李九齡

亂雲堆裏結茅廬已并紅塵迹漸疎莫問野人生計事
窗前流水枕前書

又

王建

屋在瀑泉西茅簷下有溪閉門留野鹿分食與山雞桂

熟長收子蘭生不作畦叩開洞中路深處轉松梯

登山

李涉

終日昏昏醉夢間忽聞春盡強登山因過竹院逢僧話
又得浮生半日閑

宋賢 深山

李成季

日出歛蒼靄雨餘生晚涼鳥啼人不見花落樹猶香

山行

王荆公

溝港重重柳山坡處處梅小輿穿麥過狹徑礙桑回

宿山家

徐靈淵

維舟拂曉步平沙村晚泊雲根第一家新取菜蔬沾野露
舊編籬落帶山花門前相對青峯小屋後流來白水斜

可愛山翁無一事藤牆西畔看蜂衙

遊山西山

陳希夷

為愛西峯好吟頭盡日昂品花紅作陣溪水綠成行幾
夜礙新月半山無夕陽寄言嘉遯客此處是仙鄉

山行

趙信庵

下馬酌村醪松梢日正高轉從山後去幾樹野櫻桃

又

徐元杰

步繞青秧綠水間春畦交錯路回環老翁牽得牛當路
恐礙人行却復還

山行

戴石屏

度嶺休騎馬臨淵看網魚木根高可坐巖石細堪書谷

鳥鳴相答山雲卷復舒
儒衣人賣酒疑是蜀相如

又

石屏

地僻人稀到山寒
水欲冰聞鐘知有寺
見犬不逢僧斷壠
森喬木顏簷掛古藤
清溪照孤影詩骨瘦
峻嶒

又

山村寂寞去程賒
莫惜頻頻到酒家
行李蕭然還不俗
牆頭顛倒插梅花

登山

劉後村

一里稀逢寸地平
且無木影蔭人行
鳧飛惟學王喬舄
魚貫全如鄧艾兵
樵子獻花簪帽重
山靈供水入瓢清
捫蘿莫怪徐徐下
恐礙林僧秉炬迎

遊山

戴石屏

鳳凰洲上鳳凰山
草草登臨見一斑
不立樊牆天廣大
賸我花竹地寬閑
白雲四面峯千疊
綠柳前頭水一灣
行色催人詩未就
寄情亭院落花間

登山

抖擻囂塵上翠微
傍溪寺上坐題詩
忽聞啼鳥不知處
細看好山無厭時
風掃雲煙開遠景
人攜香火謁崇祠
客來千里登臨意
說與時人未必知

登嶺

潘紫巖

纔登西嶺路詩思
便能清棧道雲間
沒籃輿壁上行遙
山時見虎深谷夏
聞鶯咫尺名山寺
猶分兩日程

又

黃茅連遠近不見一人行信步未知險回頭方可驚路
由高頂過雲在半腰生落日無棲止飄飄自問程

山居

戴石屏

巖路穿黃落人家隱翠微籠雞為鴨抱網犬逐鷄飛竹
好堪延客溪清欲浣衣禪扉在何處僧立戴雲歸

又

茅屋七五聚沙汀八九驂梯山栽麥秀囊石障溪湍父
老雞麻社兒童芋栗盤幽居有餘樂奔走愧儒冠

宿山家

范成大

黑殺鑽籬破花猪突戶開空山竹瓦屋猶有燕飛來

村

附

田家 江村
村居 山村

唐賢 村

李商隱

城郭休過識者稀希哀猿啼處有柴扉滄江白石漁樵路
日暮歸來雨滿衣

田家

孟浩然

故人具雞黍邀我至田家綠樹村邊合青山郭外斜

江村

杜甫

清江一曲抱村流長夏江村事事幽自去自來梁上燕
相親相近水中鷗老妻畫紙為碁局稚子敲針作釣鉤
多病所須惟藥物微軀此外復何求

宋賢 村居

趙希逢

卜築便幽僻相逢喜客嘉
充庖鋤野筍釘坐拗山花
竹列堦前戟山排門外衙
夜深誰是伴風月兩三家

又

徐靈淵

路遶山根石磴斜
小橋流水樹交加
柴門半掩人稀到
五里牌邊三四家

江村

郭功父

遠近皆僧刹江村八九家
得魚無賣處沽酒入蘆花

又村

蔡襄

黯淡江村春日斜
汀洲芳草野田花
孤舟橫笛向何處
竹外炊煙一兩家

時賢 山村

彭汝礪

莫笑農家勝酒樽
豐年留客足雞豚
山重水複疑無路
柳暗花明又一村

田家

范成大二首

晝出耘苗夜績麻
村莊兒女各當家
兒童未解供耕織
也傍桑陰學種瓜

又

榾柮無煙雪夜長
地爐煨酒暖如湯
莫嗔老婦無盤飣
笑指灰中芋栗香

又

趙崇森

穉子呼牛女拾薪
山妻自鱠小溪鱗
安知曝背庭中老

不是淵明行輩人

村家

徐元杰

疎煙落日路三义
敗葉乾楓屋數家
場圃畢工梁月出
傍簷紅女績絲麻

村居

戴石屏

山僻誰家綠樹中
短牆半露石榴紅
蕭然門巷無人過
三兩孫隨白髮翁

郊野

附 郊行 郊垌 郊行遇雨

宋賢 野

吳思道

密竹藏啼鳥
荒村起白煙
人行秋色裏
家在夕陽邊

時賢 郊野

趙信菴

白鳥衝煙去
山僧渡水來
竹籬茅舍外
忽見野梅開

郊垌

劉後村二首

所住在郊垌
田園事遍經
淺溝晴後塞
高壠雨餘青
屋潤鄰翁富
祠新社鬼靈
兩州無酒禁
十戶九旗亭

郊行

一雨餞殘熱
欣然思杖藜
野田沙鶴立
古木廟鴉啼
失僕行迷路
逢樵負過溪
獨遊吾有趣
何必問栖栖

又

徐元杰

百花只被一晴催
一出郊行花盡開
攜杖奚奴趁先去
路迷青草却回來

又

潘紫巖五首

山色今朝改溪流昨夜添數荷紅貼水一筍綠平簷處
處聞縲軸時時見酒帘買香誼岳廟翁媪亦祈籤

又

衰病逢行健歸途未寂寥晚山青潑眼早稻綠平腰林
舊藏僧寺溪新架石橋松陰田舍古小立聽鳴蜩

又

擬欲尋詩取次行東風放出十分晴花時酒旆家家有
蠶月縲車處處鳴乍可腰鎌從父老何能手板事公卿
他年若述逸民傳萬一中間有姓名

又

野店柴門傍水開憑欄漱罷一瓿回雲來嶺表商量雨
峯繞溪灣物色梅

又

僧惠高

野田分路入誰家綠樹鳴鶯坎鬧蛙過午歇涼人睡足
村村水滿稻吹花

郊行雨

潘紫巖

出郭忽數里雨餘秋意偏遠山青入霧野水白平田鷺
立斜陽去牛依古樹眠不辭泥濘極即此是豐年

上堂五行

分門纂類唐宋時賢千家詩選卷第十四終

十一月廿五夜三鼓校畢

棟宇藏中丙戌九月
重刊于揚州博覽

分門纂類唐宋時賢千家詩選卷第十五

後村先生編集

地理門

江景

附 江行 江望 江上暮景

江漲 江居 江上泊舟

唐賢 江 失名

瘴江南去入雲煙望盡黃茅是海邊山腹雨晴添象迹
潭心日暖長蛟涎

路險乘舟 錢起

牽路緣江狹沙崩岸不平盡知行處險誰肯載時輕

宋賢 江

王荆公

小雨輕風落棟花
細江如雪點平沙
槿籬竹屋江村路
時見宜城賣酒家

又

行至滄洲蠹酒旗
午煙浮起隔林炊
江晴日暖蘆花轉
恰似春風柳絮時

又

愛此江邊好留連
至日斜眠分黃犢
草坐占白鷗沙

又

許右丞

江邊問舟子
潮落幾時回
野店無燈火
還須明月來
時賢

又

范成大

天色無情淡江聲不斷流
古人愁不盡留與後人愁

江行

趙信菴

霜清月冷雁聲秋
今古江流不盡愁
風捲蘆花漫雪裏
夜深鼓櫂落汀洲

又
懷安路

劉後村三首

閩溪瘴嶺客程賒
曉泊懷安喜近家
大屋書旗夸酒米
小舟鳴櫓競魚鰕
溪移驛已臨高岸
潮退帆多聚淺沙
快著征衫鞭瘦馬
要看二十里梅花

又

曉發霜寒甚添衣
過石橋蟹王蹲水
怪漁婦飾山魃
海舶多停岸人家
盡面潮平生村野
熟欲此老耕樵

又

暫遊不得久婆娑奈此龍江景物何天勢去隨帆際盡
海聲來傍枕邊多晚窗微見燈明嶼霽閣遙看日滌波
定有後人尋舊迹已留小篆識山河

江行

戴石屏

江頭落日照平沙潮退漁舟閣岸斜白鳥一雙臨水立
見人驚起入蘆花

江行

潘紫巖

急櫓鳴鶯鶴喧灘鬧鼓鼙風隨山曲折船與浪高低春
淺霜連夜天隨月半溪嵯峨如許石直欠一鐫題

江行

王君謨

暮雲含雨意江路轉淒清夜泊扁舟處時聞孤雁聲莫
愁秋欲老補是客關情不信他鄉恨吟邊分外生

又

趙崇森

貪看湘江景蓬窗手自捫沙陳鳥行迹石帶水流痕大
樹多遮廟疎林間有村蘆花白彌望消得酒盈樽

江舍

徐元杰

水車軋軋雪飛飛向水開門近岸磯鶯鴨不隨江水去
清晨出放晚來歸

又

潘紫巖

近郭畏囂塵移居在水濱江山千古意松竹四時春賓
客門無禁詩書筆有神何郎好心事鷗鷺亦相親

江居

戴石屏五首

八景橫陳淦水濱
異鄉誰識倚樓人
江山不礙乾坤大
煙雨翻成風月新
十載經營梅屋趣
三間突兀草堂隣
裁詩未得驚人句
從此登臨莫厭頻

又

葉唐卿

家住夕陽江上村
一灣流水護柴門
種來松樹高於屋
借與春禽養子孫

江望

朱正中

點點風帆底處還
似無似有海門山
白鷗却怕潮頭惡
閑臥汀花野草間

江上泊舟

戴石屏

扁舟泊江渚
喜近酒家門
出網魚鰕活
投林鳥雀喧
無橋通竹處
有路到桃源
一見南塘字
淒然憶故園

江漲

夏潦連秋漲
人家水半門
都拋破茅屋
移住小山村

江上暮景

戴石屏

數點歸鴉過別村
踰溪漁笛遠相聞
菰蒲斷岸潮痕濕
日落空江生白雲

湖

附

西湖

春遊湖

湖居

遊湖

唐賢 湖

盧 綸

菖蒲翻葉柳交枝
暗上蓮舟鳥不知
更到無花最深處

玉樓金殿影參差

宋賢 西湖

林和靖

混元神巧本無形
匠出西湖作畫屏
春水淨於僧眼碧
晚山濃似佛頭青
欒檀粉堵搖魚影
蘭若煙叢閣鷺翎
往往鳴榔與橫笛
細風斜雨不堪聽

又

蘇東坡二首

畢竟西湖六月中
風光不與四時同
接天蓮葉無窮碧
映水荷花別樣紅

初晴後雨

水光瀲灩晴方好
山色空濛雨亦奇
欲把西湖比西子
淡妝濃抹也相宜

湖

徐靈淵

拾得柔條弄淺波
清風吹斷採蓮歌
又移小艇前汀去
蓮葉稠時柳葉多

春遊湖

徐東湖

雙飛燕子幾時回
夾岸桃花蘸水開
春雨斷橋人不渡
小舟撐出柳陰來

時賢

湖景

施真卿

一曲新腔紫玉簫
護晴簾幙窄蘭橈
柳迷遠近花張錦
小泊危紅第六橋

又

林龍發

煙生楊柳一痕月
雨弄荷花數點秋
此景此詩模不盡

畫船歸去有漁舟

又

樓臺煙雨裏寺觀水雲中柳影六橋月荷香十里風鳥
棲青玉障人在水晶宮欲寫西湖景應須百畫工

又

徐元杰

花開紅樹亂鶯啼草長平湖白鷺飛風物晴和人意好
夕陽簫鼓幾船歸

又

戴石屏

亭亭綠荷葉密密罩清波為見湖光少却嫌荷葉多

湖居

趙崇森

得分符信尚年餘且向湖邊借屋居賣了新琴收舊帖

屏除級紙理殘書時邀道士同看鶴旋問舟人學釣魚
樂莫樂兮無一事曲肱飲水飯嘉蔬

遊湖

王臈軒

波平煙霽晚風和船到湖心水沒蓑涼絕不知三伏暑
醉酣齊唱八仙歌賞梅洞口憐和靖種柳堤邊憶老坡
魚鑰他時如共直好論舊事卷新荷

溪

溪居 溪行 溪上二仙亭
舟夜泊溪

唐賢 溪居

劉 適

共愛碧溪臨水住相思來往踐莓苔而今却復嫌溪水
雨漲春流隔往來

又

獨憐幽草澗邊生
上有黃鸝深樹鳴
春潮帶雨晚來急
野渡無人舟自橫

韋應物

宋賢 溪行

徐靈暉

新橋橫落淺沙邊
沙岸疎梅臥曉煙
新雨漲溪三尺水
漁翁來覓渡船錢

又

王荆公

溪水清連樹老蒼
行穿溪樹踏青陽
溪深樹密無人處
唯有幽花渡水香

又

蔡天啟

野水潺潺平落澗
秋風瑟瑟細吹林
逢人抱甕知村近

隔塢聞鐘覺寺深

時賢 溪

戴石屏 五首

勝概何妨近市塵
紅塵疎處著三椽
數重青嶂橫天末
一道澄江在眼前
海浪浴紅朝出日
樹林堆碧晚生煙
請君分付堤邊石
莫使漁翁來避船

舟夜泊溪

艤櫂西巖下
舟人語夜闌
風林無鳥宿
石窟有龍蟠
月色連沙白
灘聲入夢寒
曉來新得句
寄與故人看

溪上二仙亭

雨後好風日出門
逢二仙行吟蒼石上
醉臥白雲邊
山色堪圖畫
溪聲當管絃
梅花動詩興
猶記杏花篇

溪行

長舟不用柁沙上木為篙溪路灣環轉灘聲日夜號居人不覺險行客始知勞四望無平地山田級級高

又溪行

山腰有路穿幽竹溪面無橋涉淺沙夾岸人家小園圃秋風吹老木犀花

又

李顯卿

枯木扶疎夾道傍野梅倒影浸寒塘朝陽不到溪灣處留得橫橋一板霜

溪居

郭忠謨

鑿破青山骨初營數畝丘泉分幽竇乳峽束大江流魚

唱來花徑山光落釣舟沙鷗驚笑語片片起滄洲

泉附井

唐賢 泉

崔塗

遠辭巖竇瀉潺潺靜拂雲根別故山可惜寒聲留不得旋添波浪向人間

井

李郢

桐陰覆井月斜明百尺寒泉古甃清越女攜瓶下金索曉天初放轆轤聲

宋賢 泉

徐靈暉

飛下數千尺全然無定形霓橫天日射龍出石雲腥壯

勢春曾看寒聲佛共聽昔人云此水洗目最能醒
時賢 又 泉 徐道暉

一派從天下曾經李白看十年流不盡六月地長寒灑
石跳微沫衝崖作怒湍人言深碧處常有老龍盤

又

戴石屏

少泊石門觀瀑布明知是水却疑非亂拋雪玉從天下
散作雲煙到地飛夜聽蕭蕭洗塵夢風吹細細濕人衣
謝公蠟屐征行處聞有留題在翠微

舟

採蓮舟 遇風險 阻風
泛舟松江 泊舟

唐賢 舟

張 繼

月落烏啼霜滿天江楓漁火對愁眠姑蘇城外寒山寺
夜半鐘聲到客船

又

崔 顥

下渚多風浪蓮舟漸漸稀那能不相待獨自逆潮歸
又 錢 起

斗轉月未落舟行夜已深有村知不遠風送數砧聲

宋賢

秦少游

晚浦煙籠樹春江浪拍空煩君添小艇畫我作漁翁

遇風險

范文正公

一櫂危於葉旁觀亦損神他時在平地無忽險中人
時賢 舟 趙信菴 三首

雨過平蕪帶落暉
蘆花飄泊點征衣
舟人忽報東風急
萬斛龍驤噴雪飛

又

櫓聲咿軋下灘來
驚起沙鷗去又回
小艇暫停曲江滸
推篷和雪看寒梅

又

鼓櫂過前灣
推篷破旅顏
山回流水轉
煙逐曉雲閑

舟

戴石屏三首

櫂入黃蘆浦
驚飛白鷺羣
霜華濃似雪
風氣盛於雲
市遠炭增價
天寒酒策勲
同舟有佳士
擁被共論文

泊舟

扁舟何處泊
沙渚夕陽邊
遠浦橫漁網
高山起曉煙

泊舟

吳公敏

潭影靜沈沈
維舟傍竹林
鄉心寄孤雁
寒信起疎砧
犬吠人家近
燈明樹影侵
客愁元不寐
夜雨更蛩吟

又

黃伯厚

片帆寂寞繞孤村
茅店驚寒半掩門
行草不成風斷雁
一江煙雨正黃昏

又

上官良史

渺渺復迢迢
楓林帶葉橋
沙寒初上月
浦暗已回潮
霜葦多先折
江花或後凋
今宵何處雁
相伴宿蘭橈

採蓮舟

劉子翬

隱約菱歌斷斜陽水面移美人貪照影不覺畫船欹

採蓮舟

白玉蟾六首

葭蒲滿蕩起晴煙總屬霜鷗雪鷺天一片紫菱分十字
中間放過採蓮船

阻風

二首

水馬輕便勝陸行衝風溯水反多程溪流詰曲成千摺
雲色陰晴沒十成

梢子歡呼御曉風詩人亦自起推篷數來數去山都亂
忘却前峰與後峰

泛舟松江

白酒黃封冽以妍鱸魚味美一雙鮮舟行無浪無風夜

人在非晴非雨天醉熟不知天遠近夢回但見月嬋娟
垂虹亭下星如織雪滿長洲草滿川

又

滿船明月浸虛空綠淨無痕夜氣衝詩思浮沈檣影裏
夢魂搖曳櫓聲中星辰冷落碧潭水鴻雁悲鳴紅蓼風
一點漁燈依古岸斷橋垂露滴梧桐

又

天知一舸過扶蘇排辦千山作畫圖暮靄催詩歸彩筆
秋光入眼透冰壺篙頭點水石破碎雲脚行天星有無
岸柳江楓共招手西風吹我出賁隅

分門纂類唐宋時賢千家詩選卷第十五

乙丑十一月二十五日夜三鼓校畢

棟宇藏本丙戌九月
重刻于揚州博覽

分門纂類唐宋時賢千家詩選卷第十六

後村先生編集

宮室門

宮殿

宮殿

白居易

文昌新入有光輝紫界宮牆白粉闌曉日雞人傳漏箭
春風侍女護朝衣

又

絳幘雞人報曉籌尚衣方進翠雲裘九天閭闔開宮殿

後村千家言卷一六
萬國衣冠拜冕旒

又

令狐楚

九重青瑣闥百尺碧雲樓明月秋風起珠簾上玉鉤

又

王涯

禁門煙起紫沈沈樓閣當中複道深長到暮天凝不散
掖庭宮裏夢秋砧

又

曈曈日出大明宮天樂遙聞在碧空禁樹無風正和暖
玉樓金殿曉光中

又

馬逢

玉樓天半起笙歌風送宮人笑語和月影殿開聞曉漏

水晶簾捲近秋河

又

張俞

五帝樓臺鎖碧霞終年培養牡丹芽不妨野鹿踰垣入
銜去宮中第一花

宮殿

歐陽脩

行殿峩峩出綠槐琳房芝闕聳崔嵬管弦飄落人間去
幢節疑從天上來

又

簾外微明燭下妝殿明放鎖待君王玉階地冷羅鞋薄
衆裏偷身倚御牀

宮詞

宮詞

王涯

銀瓶瀉水欲朝妝
燭焰紅高粉壁光
共怪滿衣珠翠冷
黃花瓦上有新霜

又

雨入珠簾滿殿涼
避風新出石盆湯
內人恐要秋衣著
不住熏籠換好香

又

雞鳴紫陌曉光寒
鶯囀皇州春色闌
金鎖曉鐘開萬戶
玉階仙仗擁千官
花迎劔佩星初落
柳拂旌旗露未乾

獨有鳳皇池上客
陽春一曲和皆難

又

銀燭朝天紫陌長
禁城春色曉蒼蒼
千條弱柳垂青瑣
百轉流鶯繞建章
劔珮聲隨玉墀步
衣冠身惹御爐香
共沐恩波鳳池上
朝朝染翰侍君王

又

昨夜承恩宿未央
羅衣猶帶御爐香
芙蓉帳小雲屏暗
楊柳風多水殿涼

又

金殿當頭紫閣重
仙人掌上玉芙蓉
太平天子朝元日
五色雲車駕六龍

又

五夜漏聲催曉箭九重春色醉仙桃
旌旗日暖龍蛇動
宮殿風微燕雀高
朝罷香煙攜滿袖
詩成珠玉在揮毫
欲知世掌絲綸美
池上於今有鳳毛

杜甫

又

憶昨逍遙供奉班
去年今日侍龍顏
麒麟不動爐香噴
孔雀徐開扇影還
玉女由來天北極
朱衣只在殿中間
孤城此日堪腸斷
愁對寒雲雪滿山

又

沈沈雨過宮槐綠
寂寂春殘輦路香
細想人間無此景
夜來魂夢到昭陽

又

紅樓曉色催宮漏
紫閣春光雜禁煙
風定玉爐香影直
日融金掌露華鮮

僧覺範

宮詞

秦少游

金雀觚稜轉晚暉
飄飄宮葉墜衣裾
出門塵漲如黃霧
始覺身從天上歸

又

劉夔

璧門金闕倚天開
五見宮花落九槐
明日扁舟滄海去
却尋雲氣望蓬萊

又

張仲素

網戶開如綺
紗窗薄似煙
樂吹天上曲
人是月中仙

宮詞

陳節齋

桂影婆娑玉殿涼
風傳花漏夜聲長
內人亦有思仙者
月下吹簫引鳳皇

集句

聞人祥正
二十首

五夜漏聲催曉箭
杜甫

瞳瞳初日照樓臺
薛逢

九天閭闔開宮殿
王維

玉帛朝元萬國來
羅鄴

二

春風院院落花堆
王建

花氣濃薰入酒杯
鄭獬

日午殿頭宣索餽
花蕊夫人

小舟撐出柳陰來
徐師川

三

清明時節好煙光
來

柳苑春深百草芳
盧蒙

一夜漢宮傳蠟燭
韓翃

柳邊新火起嚴妝
王荆公

四

內人相續報花開
王建

天子春游特地來
王維

夜半宴歸宮漏永
李商隱

沸天宵鼓動瑤臺
李白

五

繡衣鸚鵡浴回塘
顧安

風動荷花水殿香
李白

坐對芳尊不知熱
李頎

冰肌玉骨自清涼
蘇東坡

六

耿耿銀河欲曙天
白居易

數聲雞唱錦樓前
杜光庭

君王曉坐金鑾殿
李商隱

繡被焚香獨自眠
李商隱

七

月傍蓬萊漢閣殘韋子蒼

玉階仙仗擁千官高適

八

侍臣緩步歸青瑣岑參

辨色爭朝咫尺顏杜祁公

九

羯鼓聲高衆樂停李商隱

上林仙景似蓬真李商隱

輕雲閣雨迎天仗夏英公

花外風飄萬歲聲鄭解

十

牡丹移向苑中栽花藥夫人

借得東風一夜開李白

盡日君王看不足白居易

芳尊宜命管弦來王仁古

十一

月倚觚稜宿霧收宋景文

三千珠翠擁宸游夏英公

碧紗窗下水沈煙蘇東坡

天子龍輿過玉樓王建

十二

最是一年春好處韓愈

香入薰爐禁火天沈存中

連夜瓊林散舞衣王建

綠楊高映畫秋千韋莊

十三

今朝却得君王顧

披香新殿鬪腰肢李商隱

內人曉起怯春寒徐仲

從此新承恩澤時白樂天

十四

整了翠鬟勻了面宋景文

惆悵階前紅牡丹白樂天

珠簾約住牡丹風宋景文

沈香亭北倚闌干李白

金殿香銷翠綺櫳李商隱

應作巫陽春夢句

晏叔原

日高猶睡綠窗中

白居易

十五

淡淡梳妝薄薄文

晏洙

自然富貴出天姿

王建

一朝選在君王側

白居易

宮女三千盡妬伊

牛嶠

十六

玉壺傳箭咽銅龍

李商隱

金殿當頭紫閣重

王建

閭闔開門朝百辟

白居易

未央月曉度疎鐘

顧安

十七

珠箔輕明拂玉墀

李商隱

漢宮仙掌露淋漓

文路公

金釵墜鬢分行立

歐陽公

等候官家未出時

花藥夫人

十八

學畫蛾眉獨出羣

潘閔

越羅巴錦不勝春

張署

承恩數上南熏殿

杜甫

無奈宮中妬殺人

李白

十九

春風先發苑中梅

白居易

願奉君王萬壽杯

曾子開

舞罷霓裳歸苑去

花藥夫人

簫聲猶繞鳳皇臺

二十

帝宮三五戲春臺

張說

玉漏銅壺且莫催

崔浩

百辟九霄環帝座

沈存中

六鰲海上駕山來

王禹玉

二十一

東華金闕萬重開

張說

何處聞燈不看來

羅隱

行幸未停歌未發

張中

君王又進紫霞杯

王禹玉

二十二

朝光瑞氣滿宮樓張說

一列珠簾不下鉤羅隱

認得聖顏遙望見花藥夫人

香煙欲傷袞龍浮王維

二十三

清曉妝成寒食天

芙蓉深院鬪秋千楊誠齋

君王未起珠簾捲花藥夫人

房裏圍碁嬾自眠韓偓

二十四

長眉畫了繡簾開李商隱

榆火新傳蠟炬來石中立

撲蝶西園隨伴走

晚歸多是看花回白居易

二十五

翠髻高叢綠鬢虛王建

娉娉嫋嫋十三餘黃山谷

未央宮裏三千女李商隱

捲上珠簾總不如杜茲

二十六

道字嬌訛苦未成蘇東坡

淡蛾羞斂不勝情毛熙震

有時歌罷下階砌張

閑把宮花獨自行白居易

二十七

黃金閣子鎖牙牀花藥夫人

不是愁人也斷腸蘇叔倫

簾日已高三丈透

銅爐謾炷一銖香

宮詞

洪舜俞

禁門深鎖寂無譁
濃墨淋漓兩相麻
唱徹五更天未曉
一池月浸紫薇花

又

碧落初明月未收露華香滴杏梢頭玉闌干外東風軟
人在重雲第幾樓

又

林龍遠

桃李六宮寂君王幸石渠臨鸞悔梳洗女色不如書

樓

附

江樓 危樓 小樓

登樓晚望 登樓秋望

江樓

杜牧

獨酌芳春酒登樓已半曛誰驚一行雁衝斷過行雲

危樓

王文公

危樓高百尺手可摘星辰不敢高聲語恐驚天上人

小樓

邵清甫

瓦壘魚鱗棟展虹清虛容膝小樓東簾高裏聳朝迎日
窗靜櫺疎晝捲風岑遠暮嵐屏隱映月殘曉影玉玲瓏
紗幘一枕華胥夢看取逍遙田舍翁

樓

趙信菴

等閑携酒上南樓樓占東州古渡頭翼瓦拂天翔碧鳳
危欄隱霧鎖蒼虬湖山環據三吳會江漢雄吞四蜀流
醉裏浩歌天地濶櫓聲搖月上汀洲

又

戴石屏

倚遍南樓到此樓小亭瀟灑最宜秋接天煙浪來三峽
隔岸樓臺又一州豪傑不生機事息古今無盡大江流
凭欄日暮懷鄉國崔顥詩中舊日愁

又

何處飛來縹緲中人間惟有畫圖同
兩層簾幙垂無地一片笙歌起半空
岸竹倒添秋水碧渚蓮平接晚霞紅
游人未達蒙莊旨虛倚闌干面面風

又

潘紫巖

突兀樓居倚碧空松江西畔太湖中
天垂十二闌干角月滿三千世界中

又

敖器之

只有西樓日日登闌干東角每深凭
一層已是愁無奈想見仙人十二層

江樓

趙希逢

一帶江流接太虛危樓特地幻荒蕪
移來瀛丈三山勝畫出瀟湘八景圖
何處歸帆隨倦鳥滿汀落日照晴鳧
須臾得月添佳致萬頃寒冰浸玉壺

風月樓

馮雙溪

平揖雙峰俯霽虹近窺喬木欲相雄
一溪流水一溪月八面疎櫺八面風
取用自然無盡藏高寒如在太虛空
落成恰值三秋半為我吹開白兔宮

登樓晚望

華岳

六曲朱欄瞰碧虛淡煙秋水接平蕪
展開風月添詩料裝點江山歸畫圖
舉足便堪馳駟馬折腰何必問雙鳧
當年庾亮今還在定約樓前醉一壺

登樓秋望

白玉蟾

凭遍朱欄醉已蘇樓前眼纈望中疎漢陽草樹看來短
淮岸漁家淡欲無薄暮鴉翻千點墨晴空雁草數行書
多情庾亮吟魂遠風泛蘆花秋滿湖

館舍

旅店

館舍

戴石屏

道旁誰氏館借我坐開尊翁媪出迎客兒童為掃門好
花生竹塢流水浸雲根倘遂卜隣約為農老此村

澧陵旅店

潘紫巖

郭依稀隔渡頭解鞍來倚店家樓已攀桂樹吟招隱

因看梅花賦遠遊市上俚音多楚語橋邊碧色是湘流
江南鄉國三千里目送羈鴻起暮愁

寺

古寺

山寺

江上寺

借寺宿

廢寺

入寺訪僧不遇

菴

寺

李涉

宿雨初收草木濃羣鴉飛散下堂鐘長廊無事僧歸院
盡日門前獨看松

又

蕭愨

雲裏金輪見巖端畫拱明塔疑從地湧蓋似積香成

又

翠嶺香臺出半天萬家煙樹暗晴川諸僧近住不相識

坐聽微鐘記往年

又

杜牧

十里鶯啼綠映紅
水村山郭酒旗風
南朝四百八十寺
多少樓臺煙雨中

寺

徐靈暉

古殿清燈冷
虛廊葉掃風
掩關人迹外
得句佛香中
鶴睡應無夢
僧談必悟空
坐驚窗欲曉
片月在林東

又

古木山邊寺
深松逕底風
獨吟侵夜半
清坐雜禪中
殿淨燈光小
經殘磬韻空
不知清遠夢
啼鳥在林東

山寺老僧

郭

逢人寂無語
結草日棲禪
但見巖花笑
龐眉不記年

寺

趙信菴

古木蕭森映綠苔
嵯峨樓閣倚天開
山僧不問朝天客
自注冰泉浸野梅

又

溪繞青山山繞溪
溪山勝處只僧知
雲閑古木禪關靜
不到禪關又幾時

又

白玉蟾

林間一逕似驚蛇
中有禪關隱紫霞
煙鎖蒼松遮寺額
風搖翠竹撼簷牙
客來寂寞盤香穗
飯罷從容瀹茗花
到此裴回歸去晚
夕陽掛樹一聲鴉

又

半天突出一奇峰，小小茅菴滋味濃。
夾道新松招夜月，滿林幽竹喚秋風。
迎人野鳥間關語，惱客巖花爛熳紅。
策杖且隨流水去，柴門時倩白雲封。

又

劉後村

人煙疎處老僧家，石路榕陰噪晚鴉。
欲挈龐公妻子去，幅巾閣上讀楞伽。

又

若不來，真成負此生。
入門山便別，近寺路差平。
鳳去吟千載，猿啼時一聲。
老僧知客至，松下笑相迎。

又

戴石屏

踏破白雲登上方，自嫌塵土浣僧牀。
千山月色令人瘦，半夜梅花入夢香。
深谷不妨春去早，老僧殊為客來忙。
山童嬾慣勞呼喚，自拗枯松煮木湯。

又

借問開山祖，都栽幾萬松。
松多不見寺，人世但聞鐘。

寺

姚希聲

入門松逕幽，樹杪見鐘樓。
客至犬迎吠，香銷僧出遊。
水花凝晚照，風葉引涼秋。
欲作居山計，吾盟在白鷗。

古寺

塔廟當年甲一方，千層金碧萬支廊。
開山佛已成胡鬼，住院僧猶說李王。
遺像有塵龕壞壁，斷碑無首立斜陽。

唯應駐馬坡頭月曾見金輿夜納涼

又

獨步青蓮宇行過白沙灘一逕入松雪數峰生暮寒山
僧喜客至林鶴借人看吟罷拂衣去鐘聲雲外殘

廢寺

李元白

溪沙橫漲水痕平閑扣雲關壁半傾殿上生花人不到
斷磚支睡岸蟬鳴

江上寺

劉屏山

東岸樓臺西岸山瀟湘一片在中間紅塵不到滄波上
僧與白雲相對閑

山寺

趙紫芝

衆境碧沈沈前峰月正臨樓鐘晴聽響池水夜觀深清
淨非人世虛無見佛心却尋來處宿風起古松林

入寺訪僧不遇

劉後村

夜深捫絕頂童子旋開扉問客來何暮云僧出未歸山
高聞瀑響林黑見螢飛此境惟予愛他人到想稀

借寺宿

戴石屏

好山看不了遂借上方眠酒渴斟花露詩清瀉澗泉生
無適俗願老欲結僧緣睡覺鐘聲曉窗騰柏子煙

菴

馮脩之

孤菴半掩門竹外見前村地僻山容靜天陰日色昏風
琴鳴木杪水樂漱雲根蒼壁題詩處淋漓醉墨痕

分門纂類唐宋時賢千家詩選卷第十六

棟亭藏本丙戌九月
重刻于揚州博覽

分門纂類唐宋時賢千家詩選卷第十七

後村先生編集

器用門

筆 附 羊毫 筆陣

筆

朱淑真

雙毫五彩兔狸鋒珍與歐陽象管同多謝寄來情意重
從今敢廢墨池工

兔毫筆

劉後村

拔到髯生族多因兔穎稀只宜茅舍用難向玉堂揮弄

翰虛名似吹毛本質非兒曹貪價賤鴉蚓掃如飛

筆陣

李梅亭

鼓舞先聲自管城細聽鏖戰了無聲看來亦異常蛇勢
掃退詞場萬馬兵

墨

墨

洪駒父

子墨客卿妙一世懷玉山中五大夫峨眉老仙與推轂
谷量野馬斗量珠

又

蘇東坡

徂徠無老松易水無良工珍才取樂浪妙手惟潘翁魚

胸熟萬杵犀角盤雙龍墨成不敢用進入蓬萊宮蓬萊
春晝永玉殿明房櫳金牋灑飛帛瑞露縈長虹遙憐醉
常侍一笑開天空

又

谿石琢馬肝剡藤開玉板噓噓雲靄出奕奕龍蛇縮此
中有何好秀色紛滿眼故人歸天祿古漆窺蠹簡隃麋
給上方老手擅編刻分餘幸見及流落一枝赧

紙

牋紙

韓 浦

十樣蠻牋出益州寄來新自浣溪頭老兄得此全無用

助爾添修五鳳樓

紙

于革

七八葉蘆秋水裏兩三箇鴈夕陽邊筆頭到處渾無礙
掃破寒潭一簇煙

又

黃山谷

深如女髮蘭膏罷明似山光夜月餘為染溪藤三百箇
待渠湔拂一牀書

硯

硯

莫問新坑與舊坑只消片石了平生猪肝何貴死顏絕

鴝鵒休誇活眼睛凡物呵來皆有水從人研去豈無聲
鼠鬚繭紙山陰帖不說端溪字更精

又

二硯渾如玉琢成信知天地有精英馬肝紫潤尤宜沐
鵝眼清圓宛似生未愛潘郎呼作友便教米老拜為兄
今年几案多奇獲應是窮儒命漸亨

又

二硯聯翩買券成絕勝玉杵聘雲英拊摩無粟向肌起
塗抹有花從筆生韞匱每愁逢暴客傾囊咸笑費方兄
古來事業猶勤苦不信磨穿道不亨

又

一片紫琳腴新巖少得如試教呵水出恐是補天餘穿
冢宜隨我連城莫賣渠草玄臨帖外莫寫子公書

水滴

附 牛水滴

蟾蜍水滴

壓書石魚 蛟龍筆架

牛水滴

邵清甫

銅牛肚裏雖無物中有深深似澗淵牧童不暇閑吹笛
苦為詩人滴硯泉

壓書石魚

鑿石鑄成一對魚風流未數玉蟾蜍化時換上腰金袋
記取燈窗壓盡書

蛟龍筆架

軒昂頭角似真龍偃仰毛錐有許功直等主人投筆去
定應騰踏入雲中

蟾蜍水滴

劉後村

鑄出爬沙狀兒童競拊摩背如千歲者腹柰一輪何器
較瓶壘小功於几硯多所盛涓滴水後世賴餘波

燈火

附 旅舍燈

燈籠

劉後村

童子糊新就籠紗碧色深喚回少年夢照見古人心每
對忘酣寢頻挑伴苦吟向君交到老莫慮棄牆陰

燈

潘紫巖

後林二家詩卷十一
一點無多小似螢虛堂夜靜滅還明若教安頓無風處
猶可從容到五更

又

林季謙

曉燈城市又新年壁月樓臺萬管弦獨有廣文窮相眼
一篝燈火照殘編

旅舍燈

徐元杰

荒居雨醒已昏黃敗壁張燈四散光相待村炊同坐久
更陪幽夢入更長屋頭雞唱驚孤枕門外馬嘶催曉裝
僮僕告行吾亦去空房留爾重淒涼

琴

琴

趙嘏

抱琴花下不勝春獨奏相思淚滿巾第五指中心最恨
數聲嗚咽為何人

又

劉允濟

昔在龍門側誰想鳳鳴時雕琢今為器宮商不自持巴
人緩疎節楚客弄繁絲欲作高張引翻成石調悲

又

王文元妻

拂琴開素匣何事獨顰眉古調俗不樂正聲公自知寒
泉出澗澀老檜倚風悲縱有來聽者誰堪繼子期

又

蘇東坡

清風終日自開簾涼月今宵肯挂簷琴裏若能知賀監

詩中定合愛陶潛

又

趙崇森

羣胥推案去一客抱琴來喚起高山趣驅除俗吏埃耳
根從此淨指法看君開賸欲傳佳操仙舟且莫回

又

愛汝爲吾伴提攜歲月深不言中有趣相得本無心困
後橫書几閑時入竹林算除風與月誰更是知音

又

蔡仲默

公子方年少絲桐長有名曲雖仍舊譜指要發新聲澗
落泉初響風清月正明起予千古意惻愴不勝情

又

潘紫巖

只是尋常操傳來便不同初疑聲已盡旋覺曲方中清
碎如章草和平似國風自從今夕聽吾耳一生聾

又

操高不抹西山死瓢飲空稱陋巷賢二調只堪彈我聽
不消舉此貴人前

又

道人清夜理瑤琴愛學啼鳥轉羽音莫把世人工拙論
世人彈耳不彈心

又

華岳

月浸虛堂夜氣清起聽萬籟寂無聲試將匣面塵輕拂
玉筍不彈風自鳴

又

風撼絲桐帶月明羽人乘醉截秋聲七弦妙制饒仙品
二尺良材稱道情池小未開春浪泛岳低猶欠暮雲生
何妨乞與元中術臨化無妨膝上橫

謝逸

又

白玉蟾

雲水一生無別好琴心三疊有誰知今宵松殿相期會
彈到西山月落時

碁

碁

劉後村

十年學奕無機倖技不能高謾自娛遠聽子聲疑有著

近看局勢始知輸危如巡遠支孤壘狹似孫劉保一隅
未肯人間稱拙手夜張明燭按新圖

又

戴翼

休將斤斧向般揮殺處誰知有活機我且雙關聊自固
君無一眼漫相圍只能暗裏龜頭縮怎識伊邊虎口危
莫向人前誇已會降旗幾度送君歸

和

部曲縱橫聽指揮元來碁算即兵機雙關似鐵吳堅壁
一著還魂漢解圍中壘占形包兩陝邊隅拓土卷三危
一枰未罷兵書至戰退苻秦奏凱歸

八歲女善碁

劉隨如

慧黠過男子嬌癡語未真無心防敵手有意惱詩人得
路逢師笑輸機怕父嗔汝還知世事一局一回新

書

書

柳子厚

日日臨池弄小雛還思寫字付官奴柳家新樣元和脚
且盡姜牙斂手徒

又

徐靜之

蓬萊仙子補天手筆妙詩清萬世功肯學黃家元祐脚
信知人厄匪天窮

又

劉後村

兩帖走蛟虬堂堂腕力道太師唐死節大令晉風流要
續麻姑刻那容扇媪求教兒勤護惜恐被六丁偷

又

玉筋篆文古銀鉤楷法精得知千載下時有打碑聲

畫

附

畫龍 畫梅 畫山

子猷訪戴圖

畫龍

蔣惟恭

世人空解動丹青惟子能通得墨靈應有鬼神看筆下
豈無風雨助成形

畫

鮑照

勿謂丹青筆能移造化功文章不經濟真與畫人同

墨梅

須知造物元無物剛被花光強造端認得色空都是幻
南枝非暖北枝寒

趙信庵

畫山

幾簇雲煙幾段山畫成煙雨渺茫間扁舟三兩溪橋上
一路更無人往還

戴石屏

子猷訪戴圖

謝幼謙

溪山雪月本清奇底事扁舟只恁歸誰識去來皆與耳
歸時更好似來時

扇

附 畫山水扇 孀婦扇
羽扇 竹扇

扇

王荆公

玉斧修成寶月團月邊仍有女乘鸞青冥風露非人世
鬢亂釵橫特地寒

又

蘇東坡

團扇經秋似敗荷丹青髣髴舊松蘿一時用捨非吾事
舉世炎時柰爾何

畫山水扇

邵清甫

巖脉交橫簇亂峰顛崖懸絕隱仙翁不須遠看連天色
盡在吾人掌握中

孀婦扇

徐仲車

已寫共姜誓仍題督護歌更無脂粉污唯有淚痕多

扇

林季謙

分無紅粉轉歌喉
入手輕紈意自秋
不見乘鸞月邊女
一雙蝴蝶自風流

又

吾心無事本清涼
故遣餘風及草堂
却憶多情遮面語
不知何事苦羞郎

羽扇

李梅亭

奮迹冲霄駕鶴遊
霜毛鞭落在揚州
仁人收拾才揮動
風被黎元六月秋

又

王師北伐怒山戎
六月將收汗馬功
一入麾軍元帥手

威風鑠盡正炎風

竹扇

雪界青天月半輪
不須更障庾公塵
蒲葵亦有施行處
繞鬢飛蚊觸撥人

又

白玉蟾

懷袖相忘去不能
也知輕薄惡蚊蠅
南風雖汝持權柄
只恐秋風見汝憎

劍

贈道士磨劍

侯日晦

欲整鋒鋟敢憚勞
凌晨開匣玉龍嗥
手中氣岸冰三尺

石上精神蛇一條
奸血點流隨水盡
凶膏今逐淚痕銷
掃除浮世不平事
與爾相將上九霄

劍

錢太初

得自袁公手
屠奸血未乾
玉龍乘夜泣
秋水帶霜寒
願對英雄舞
羞教婦女看
太平無處用
撫匣淚洑瀾

又

白玉蟾

人間無處著青蛇
池水清泠浸落花
幾度清風明月夜
悵然無語憶張華

又

潘紫巖

并州昔用千金賈
流落人間歲月多
背有龍文空自寶
世無麟血倩誰磨

火爐

火爐

李羣玉

孤燈夜不寐
風雨滿西林
多少關心事
書灰到夜深

鏡

鏡

李益

衰鬢臨朝鏡
將看却自疑
慙君明似月
照我白如絲

簞

椰簞

趙崇森

贈子椰心簟波紋細欲流來浮南海遠好伴浙西遊睡
處知溫清行時便卷收不知風雨夜能憶故人不

壺

投壺

盧鉞

離騷課罷便投壺長日身心得自娛多少論籌閑殿最
始終中節定工夫

杖

印杖

劉後村

珍重印山鶴膝杖十年南北慣攜持扶登石壁寧嫌峻

往過溪橋肯避危昔涉畏途揮不去今行平地棄如遺
主人尚要防衰老會有重拈入手時

茶磨

茶磨

宋謙父

韞質他山帶玉揮乾旋坤載妙元機轉時隱隱海風起
落處紛紛春雪飛圓體外通常不礙貞心中立動無違
世間多少槐安夢信手頻推為解圍

分門纂類唐宋時賢千家詩選卷第十七

棟亭藏本丙戌九月
重刻于揚州博覽



